

INUIT ATAQATIGIIT

INATSISARTUNI



UKA 2015/166

14. oktober 2015

Juliane Henningsen

**Atlantikup avannaata Kalaallillu Nunaata silaannartaasa angallavigineqarnerisa
allaffissornikkut aqunneqarnerata nunatsinnut nuunneqarnissaal pillugu naalagaaffeqatigiit
Canadami Islandimilu oqartussanut isumaqatigiinniuteqarnissaasa aallartinneqarnissa
siunertaralugu danskit naalakkersuisuinut saaffiginninnissamut Naalakkersuisut
peqquneqarnissaannik Inatsisartut aalajangiiffisassaattut siunnersuut.**

**(Inatsisartunut ilaasortat Anders Olsen, Tillie Martinussen, Jens-Erik Kirkegaard, Kalistat Lund
amma Ane Hansen)**

Atlantikup avannaata Kalaallillu Nunaata silaannartaata ilaa maannakkut Islandimi Canadamilu
silaannakkut angallannermut oqartussaasunit aqunneqarmat aqutsinerlu piaartumik nunatsinnut
angerlaanniarlugu ataatsimiitaliaq partiinit pingasunit ilaasortaaffigineqartoq maanna
siunnersuuteqarmat pitsagaarpot.

Naatsumik oqaatigalugu – silaannartarput aqunneqarpoq Naviair-imit (DK) aamma – Island-imit
kiisalu Canada-mit aqunneqarluni.

Ajornaquteqanngivissumik silaannartaq tamaat Naalagaaffiup allaffissornikkut aqullugulu
nakkutigisinnaavaa.

Nunat tamalaat akornanni isumaqatigiissutigineqarnikuuvooq silaannakkut angallanneq
ningaasartuutit qaangerlugit iluanaarniutaassanngitsoq – IASTA – International Services Transit
Agreement. Annertunerusumillu ningaasannanniutitut piviusorsiortumik ilimasuffiussanngimmat,
pitsaanerpaajusoraarput suliassat maani suliarineqalerpata.

Naalakkersuisut suliassamut tigusinissaminni periusissamik peqareernerat iluarisimaarparput.
Pifissaliussarlu eqqarsaatigalugu Naalakkersuisut allannguutissatut siunnersuutaat akuersaarparput.